



蠅竅集序略

楚有舊學曰雲間管公時敏輔翼匡贊披陳啓沃凡二十五年而賢王仁厚明啓寅畏恭儉之德聞于天下公自紀善左長史余得備員陪位得日聆其緒言餘論間出示所自作詩一編古製近體通若干首名曰蠅竅志謙也然公之立身行事實踐其言和順積中英華發外自有不容已者其可傳于後世必矣豈自謙乎哉

永樂元年癸未三月之望山陰胡粹中序

後昆服之無斃

白馬篇

白馬行且嘶玉勒錦障泥揚鞭羽林郎宿衛通
金閨一朝赴邊急轉戰玉關西長戈揮白日高
旌卷彩霓驅山填火井累石起雲梯烽舉星芒
亂弓開月影低分符降赤勒飛箭定吽黎功許
韓彭竝名與衛霍齊王恩諒可報國難詎難
孰甘局鄉邑門巷閉蒿藜

遠遊篇

御風日萬里逍遙登遠遊竦身青冥表瞬息
顧周目力隘八極壯志局九州泰山小封堦滄
海渺浮漚俯視瀕洞間萬彙等蜉蝣浩歌挾洪
呷長嘯訪浮丘迴颯欵閭闔謁帝十二樓酌我
紫霞觴遺我青鳳裘授以長生訣歷劫三千秋
從茲謝流俗大塊同悠悠

少小從行伍二首

少小從行伍而今作飲徒博錢尋劇孟買劍問
風胡結伴軍中戲嗔人醉後扶黃金三萬鎰誓

娶陸家姑

少小從行伍千金辦武裝日騎官廐馬夜宿酒
家娼知己寧論死臨危肯畏強蠻夷知姓字不
敢犯封疆

銅爵妓

銅爵高臺上西陵古墓邊君恩徒自重妾貌竟
誰憐羞掩歌時扇愁登舞後筵惟餘漳浦月三

五夜空圓

隱圖

溪上放舟迴山中負薪暇一笑偶相逢於焉遂
清話寧知有秦晉況復論王霸回首總忘機青
山夕陽下喜雨晴同賣路善具

星夕

牛渚清且淺鵲橋西復東黃姑仙駕動天女錦
機空別淚零清露離魂慘驚風如何一水隔一
會一匆匆

秋夜

不寐耿長夜攬衣徒歔歔陰蟲吟近砌涼颯動

歷代詩選 明倫彙編 三
疎幃素抱殊未釋清懽念多違豈惟南飛鵲茲
夕無所依

寫懷

朝迴憇公館殘陽坐來暝疎雨過高林華月出
東嶺流光晨復晡朱顏豈吾永故國歸何時悠
然發深省

山 病後喜雨謝同寅紀善貝季翔見過

夜月忽離畢今晨雨滂沱秋聲落庭樹水氣沒
池荷豈云三伏中感此涼意多神清體自適頓

然釋煩疴明當謁公館仰謝數經過

同輩曉起

真館曉晴初官清遠塵俗怡然對簡編庶矣忘
榮辱遙峰擁歸雲高城澹微旭落盡凍青花江
南雨新足人雨中良寄

遊寶林寺

金碧絢樓臺禪關向此開水分雙澗出雲擁萬
峰來古佛遺香火殘僧話劫灰黃塵吾老矣何
幸一徘徊

獨坐

獨坐茅堂上長吟不下牀
亂書堆几席 疎雨過
陂塘野燕衝簾入
河花度水香 應須存晚計
次第學耕桑 林

南雨答友人雨中見寄

雨聲連曉夕
牢落閉幽扉
屋漏頻移榻
江寒更覓衣
野鳥飢自下水
鳥濕還飛爾亦遺
榮者終同理釣機

郊居

春城俯平野
草色靜柴門
魚蟹舟中市
桑麻屋後村
遣兒招社飲
爲客置盤飧
老計能如此
陶然付一尊

贈洪山龍門海禪師侍者真淨

祝髮名真淨
從今淨也真
誦經當作佛
持律定過人
江月空中夜
山花物外春
龍門多寶藏
種種是奇珍

送宗師還玉泉寺

省師何處去
古寺玉泉清
山笠披雲過
江船趁

月行拈香參祖塔乞食到王城此去傳心印應
知道可成

夢遊洪山寺

不到東巖閣重來又一季無緣能離俗有夢只
棲禪客坐茶香裏僧行竹影邊夕陽天未晚幽
思滿歸鞵

齋居直館

直館齋居夜心無一慮縈茶煙籠燭暗花月進
窗明老去頭雖白官閒夢亦清明朝當署祝早

起候宮城

雪谷爲武昌奚瑄賦

空谷幽人意閒雲靜者心石圍花下奕泉答竹
閒琴鶴影蒼巖遠雞聲碧樹深雖云在城市何
異在山林

題蔡用強石城山房

絕境羣峰合幽居一徑分巖花和雨落林鳥隔
雲聞門熟呼猿果書香辟蠹芸不因徵召起終
是遠人羣

過烏沙夾答諸僚友

曉過烏沙夾
秋風萬斛舟
青天雲際雁
白浪水中鷗
兄弟皆良會
江山足勝遊
行行紅日近
作氣藹皇州

出都門

天上還家日
沙邊解纜時
亂山含宿翠
飛鳥戲晴絲
野眺偏宜遠
江行不厭遲
正期遊汗漫
何幸值雍熙

發新河次韻

自忝王門祿
頻奉此地過
秋風迴遠道
暮雨宿新河
白浪鷗邊小
青山雁外多
客杯相慰藉
一酌總恩波

迴從經陽邏

陽邏行將近
淘金過淺灘
草痕秋更碧
江氣晚逾寒
處世情尤拙
還家跡易安
客愁雖似海
未敵酒杯寬

舟中寫示蕭雷二伴讀

拜秩辭京國
揚帆放使舟
微茫煙外樹
浩蕩雨

歷代詩選 明倫彙編
中鷗詩美青山對杯空采石謀應將柁樓興一
望楚天秋

曉發雷港

月暗投寒港天明發曉途鷺應尋宿侶雁已誤
更奴霞暎泂汀蓼霜枯倚岬蘆彭郎磯尚遠隱
隱一山孤

題伴讀董時貢所藏山水

公館多清暇林泉愜所探人家如谷口風景似
江南斷逕荒深蘚崩崖老巨楠鯨波通海去鳥
道與雲叅江艇維晨渚巖扉掩暮嵐雨田收赤
黍霜圃摘黃柑未染清霜屋先尋白石庵醉來
休荷鋪老去願投簪許我閒身在從渠俗慮耽
偶然忘世累聊復謝林慚

和吳教授過潯陽

三旬辭幕府千里歷星霜水鶴和鳴鴈風鳥逐
去檣還家趨鄂渚歸路過潯陽山立雙峰峭江
分九派長雲泉高噴薄煙樹遠微茫箬葉寒仍
綠蓀花晚自芳守臣甘徇國遷客重離鄉簡册

遺風節琵琶斷淚行濕嵐郵傳外冷月戍樓傍
老境頻過此懷賢易感傷

九日廿五日值余初度諸友以詩酒見壽
於舟中賦五言長律一首以謝云

老去逢初度那知在客邊清歡當此日嘉會勝
常季古鼎名香爇高臺絳燭然仙庖能具饌官
筋盛張筵新果登盤美佳殺八筋鮮慶行承絲
帕壽祝荷華篇北斗長生外南山爛醉前交情
何鄭重禮貌極周旋一府官僚盛千秋國主賢

願同金石志永以保貞堅

永嘉裴季和家有竹居典簿中都國學種
竹數竿想像故國之意

客舍仍藏竹殷勤憶故園亂枝交窄逕輕篠拂
卑垣曙色煙凝几秋聲月在門殺青編汗簡浮
碧注山尊斲筍供春祀行庖具夕飧高人頻駐
展俗士竟迴轅雖與山林遠終無市井喧晉賢
名未泯唐逸興猶存彷彿龜山路依稀雁蕩村
南歸遂幽息投老更何論

墨窗爲越人趙撫謙賦

女媧立極斷鼇足羲畫之先無刻木始觀鳥跡
製文字夜鬼哭天天雨粟篆隸變化生八分行
草復作何紛紛六書古制旣茫昧載籍况遭秦
火焚後之作者不可數形聲寥寥渺千古更論
得法神妙間自信臨池心獨苦君居於越文獻
邦家藏金石書滿窗磨穿青州老未已萬斛巨
鼎疇能扛吳興宗人已物故浙河東西誰獨步
君今有志繼絕學砥柱中流見孤注剡溪百番
冰雪光玄霞一斗松煤香滿堂賓客看揮灑風
雨颯颯龍鸞翔我嗟塗鴉手如棘屢欲從君問
奇畫君還許我載酒來我捧千鍾勞君筆

尹母行

雲間尹母季十七嫁夫三季夫病卒舅姑在堂
兒在祿自分糶守空室家貧何以爲生理紉
縫得錢奉甘旨門外春風自往來寒心一寸如
灰死

題胡長史雪舟卷

萬里漫漫凍雲黑六花飄飄朔風急富春江頭
行旅稀汀鳥沙禽飢不飛此時先生乘一舸擁
鼻長吟篷底坐白鶴篋衣寒半披東西泐洞隨
所之須臾雪深風轉大結纜歸來且高臥妻兒
凍餓甘守貧升斗不思干故人東方日出徵書
下縣官扣門來勸駕

哀雁吟

隣有貞婦痛夫以刑死日夜號泣誓不再
水雲天余嘉其志爲賦哀雁吟

哀雁復哀雁雄雌不相違三春北去秋南歸季
季稻梁克汝肥汝肥曷已時安知矰繳不汝隨
一朝弋雄孤其雌雌孤殊可傷夜夜啼秋霜楚
天空濶雲水長誓不更逐羣侶翔花開滿春塘
不愧鴛鴦與鴛

姚氏野春堂

野外茅堂不掩扉堂前風日散晴霏梨花門巷
清明近春水池塘燕子飛每約鄰翁同社飲更
從田畯勸農歸明朝我亦尋春去小試東風白

亭衣

宴徐氏樓

高宴徐家池上樓座中賓客總風流
東城美酒休辭醉南國佳人自解愁
晴日遊絲當戶落暖風香篆近簾浮
歸時不用山公馬短棹春波正

滿洲

和內兄金士簾清明日答張應辰見過

雨晴江路少塵沙有客尋春到水涯
風細游絲低著草日斜歸鳥亂穿花
青山幾處無新塚喬

木何人是故家倩得盤遊春髻子
東風日日好將車

山水便面

宣和便面何從得畫史當時屬有才
紫翠峰巒天上落青紅樓閣樹頭開
羣賢似向蘭亭會一老疑從栗里來
安得從容隨杖屨輕舟日繫水雲隈

寄淞上友人

憶昔都門把臂時殷勤索我送行詩
客邊賴爾

能相慰別後令人有所思芳草暮雲愁忽忽落花春雨鬢絲絲東歸艇子如堪買定擬尋君泗

水溜

送兄勉翁自鳳陽廻淞

把酒燈前醉復傾別離無限異鄉情一身千里久為客百歲幾時長見兄春雨園廬青草遍暮雲丘隴紫芝生白頭遂我東轅日數畝圭田得耦耕

過洞庭

湖上東風水似天渚花紅白共春妍蒼梧三女墳前路青草三閭廟下船鮫室綃機聲札札龍宮珠珮影娟娟官閒更遂南遊興借榻君山寺裏眠

題玉秉正雲林清隱

青林白谷水雲鄉隱者深居一草堂百道松泉當戶落四時花雨入簾香門前車馬紅塵遠座上琴書白日長滿目故家風景在不須重畫輞川莊

送長史司吏吳永中役滿還廣東

早春公館柳條黃清暇題詩送椽郎白髮簿書
官事了青山風雨客程忙船從杜若芳洲發酒
向桃榔小店嘗歸及墓田寒食後碧雲東望思
茫茫

送寶曇應禪師遊峩峩眉廼金陵

峨嶠峰頂絕峻嶒不離塵凡不易登太古雪消
丹壑裏普光天在白雲層神鐘日報齋頭飯聖
火宵明佛殿燈六載下山非苦行怕人云是再

來僧

和鶴季丁先生宿東巖韻兼呈洪山海禪

借榻東巖第幾層山中王舍佛圖澄淨榮過眼
寧非夢清苦前身本是僧齋罷雲扃時聽講詩
成雪屋夜懸燈虎溪有約仍三笑自愧爲官老
未能

題修江王玠西山舊隱圖

君家舊隱知何處遙隔修江紫翠岑金碧畫圖

聊慰藉塵霞丘壑此登臨水花凝露魚依渚山
 葉鳴風犬吠林布襪青鞋歸及早莫教猿鶴怨
 秋深

雙竹

玉立亭亭竝出林不於千畝競繁陰雲霄每引
 鳳凰下風雨或作蛟龍吟夷齊同隱高節在皇
 英對泣遺恨深何當分箇漁竿去獨釣渭川煙
 水濤

紙被

萬杵霜藤練色勻卷舒盈幅淨無塵梨花夜暖
 雲迷夢柳絮春寒雪滿身未惟青綾能見妬也
 勝白氎尚欺貧五更聽徹金門漏得似山林晏
 起人

木芙蓉

渚宮仙子耐清寒笑倚西風臉渥丹絳節三朝
 瓊作珮霓裳一曲翠為盤夜霜漁屋燈前見秋
 水人家畫裏看可惜繁華易惆悵錦官城上夕
 陽殘

月中桂

上界誰將此樹栽，廣寒高處古香來。
根從天地分時種，花在山河影裏開。
白兔守株依貝闕，青鸞銜子下瑤臺。
不知斫盡吳剛斧，天上浮雲變幾迴。

燈花

不假天工雨露栽，銀缸火暖自然開。
兩莖朱草含煙秀，一朵紅雲度水來。
春色半浮珠蓓蕾，風情中結錦胚胎。
明朝喜事殷敷報，莫遣芳心一

寸灰

松窗聽雨爲西安楊公主賦

草堂千箇種長松，好雨時來紫閣峰。
聲到風枝驚睡鶴，勢迴雲壑起潛龍。
暮樵鄰父歸應濕，晨汲家僮出更慵。
且喜官閒清雨耳，逢人莫說大夫封。

黃鶴樓

黃鶴西飛去不迴，青山高棟自崔嵬。
當垆賣酒人何在，今日題詩客又來。
舟繫城邊官柳發，笛

歷代詩選
卷廿五
吹江上野梅開白雲只在闌干外安得乘之遍
九埃

北榭

舊家行樂小亭臺珠箔青山罨畫開花月當時
人已散柳風今日燕還來舞鈿猶委宮墻草步
障曾過輦路苔一代繁華易銷歇白榆霜冷雁
聲哀

呂仙亭

道人高坐朗吟亭古蹟因知此地靈劍氣飛來

湘水白笛聲吹入楚山青階前丹棗何季熟枕
上黃梁幾日醒快我登臨塵事隔摩挲蒼蘚讀
碑銘

辛未初度和季翔見壽

日華初上萬季枝官滿雄藩未許辭初度今朝
猶是客老來多累又添兒黃花醉我留連酒白
雪驚人唱和詩珠重同袍交契在十季何日共
襟期

陸氏滄浪漁隱

子是天隨幾葉孫家藏釣具至今存秋風鱸美
時供饌春水鷗間日到門泛宅豈殊居甫里放
舟莫擬入桃源濯纓濯足都休論且對青山倒
一尊
送監生馬駿赴京
黃鶴磯頭上驛船柁樓搥鼓下晴川客行二月
梨花後人別東風燕子前

伴讀周庠求題其師敘南遊克成先生雙
溪草堂

聞道雙溪似灤西草堂小築足幽棲楊雄奇字
知誰問杜甫新詩漫自題滿座荷風魚躍浪一
簾花雨燕爭汎白頭無意蒲輪召只恐文光動
璧奎
修竹芙蓉

水仙小隊自成雙裊裊霓旌引翠幢一夜湘君
頭盡白西風離思滿秋江

題玄真詩意圖

千峰雲氣涌如泉遠樹微茫斷復連祇有大夫

雁行詩選
明倫彙編
禮典典義
卷之六
橋下路青山都屬釣魚船

墨桃花

武陵仙子絳綃裳
愛向春風試艷妝
一自別來顏色改
可堪憔悴見劉郎

贈別芙蓉

草色青青漢水新
異鄉聽雨怕逢春
客懷不是今季惡
頻向東風送故人

秋書松雪翁墨蹟後

吳興翰墨人間少
白壁黃金價盡低
今日鷗波

亭下路王孫何處草
萋萋

詠菊

越娘初試素羅裳
愛向秋風學靚妝
一夜不勝

瓊珮冷晚香
亭館有新霜
容華上
歲暮關關空

紀夢

小宴初闌罷
玉笙東風庭院好
春情流鶯啼過
樓東去
一樹梨花正晚晴
豈料親衣
醉歸來

京口懷李翔

官柳烏啼曙色催
滿衣風露早朝迴
歸期想在

重陽後爲報黃花緩緩開

和鶴季先生訪補衲和尚詩

半霄峰頂擁丹霞兩策登板豈憚賒老衲倒穿
迎戶外山禽啼上石楠花

雲林先生小景爲李至剛參議題

故叅池館錫山阿門逕寧容俗士過清闕閣空

詩社散蛛絲窗戶落花多

題奚瑄雲山佳處

羣峰競秀遶儂家流水當門石逕斜閉戶不知

春已去白雲滿地落松花

題畫

柴門春盡動鷗波樹色山光雨後多老去無官
能自在醉眠江閣聽漁歌

石倉十二代詩選

明詩卷之二十五 終

卷之十一

卷之十一

春雨軒詩集序

劉君彥昂遊見其賦詩多俊逸心獨奇

予昔與劉君彥昂遊見其賦詩多俊逸心獨奇

之及其奉命佐戎幙於閩別去且十季重會秦

淮上亟問近什如何彥昂解橐中得數十篇予

讀已大驚璞玉輝春蠶珠浴月溫潤清逸何其

似韋應物歟勝軍百萬鼓行沙漠風酸霜苦鍊

騎驚秋雄渾悲壯何其類岑嘉州歟英英乎芙

蓉濯太液之波楚楚乎蘭茝沐湘沅之雨氣韻

秀麗何其近謝康樂歟商敦周彝朱湮翠蝕龍

歷代詩選 月
章鳥蹟款識獨存典刑古雅若樂府諸題又何
其駸駸乎漢魏之風也蓋彥昂天分既高人功
又深凡有模擬輒步驟似之予今猶舉其槩而
言之也烏乎予昔學詩長蘂公謂必歷諸諸體
究其制作聲音之真然後自成一家彥昂之學
正與予同自愧跛躄之行不足以追逸驥尚何
言哉然又竊惟彥昂何以能致於斯也頗聞其
先人友梧翁乃月灣吳公高弟善爲詩與文靖
虞公文安揭公禮部吳公極相友善遂由縣文
學薦入詞林未上而夭其家庭相傳必有卓絕
於人者不然彥昂之詩何爲膾炙人口而不厭
哉其能垂世傳後當不疑予耄矣文采衰矣不
能有所發越矣姑撫昔寄彥昂者爲之序以自
附知音之士云金華宋濂序

石倉十二代詩選

明詩卷之二十六

春雨軒集

大明

鄱陽劉公炳撰

後學曹學佺閱

崩城操

朝從城上哭長城與雲齊暮從城下哭長城化
為泥嗚呼城已崩今猶可築夫君死今身可續
妾寧化魚淄水底立廟祀君君血食

石婦操

朝朝山頭望日日顧夫歸夫君不歸將疇依妾

身已一難再失寧向山頭化爲石山崩石應墮
江水千季萬季清到底

寒夜怨
白日下藁臺野曠秋風早不聞歌吹聲空遺往
來道傷心却憶平原君墓土牛羊踏荒草

寒夜怨

月來愁亦來心憐月去愁應改樓高月轉遲停
箏坐倚熏籠待月落却成眠誰知枕冷愁仍在

烏栖

烏夜啼梧桐樹愁夢回腸應苦蘭膏張照樹光
啼烏去夜未央梧桐葉底清露墜一聲一滴相
思淚

燕子樓同周伯寧賦

寶瑟凝歌繞珠箔流蘇結帶黃金索翠紅香裏
宿鴛鴦春風人間無此樂杏梁塵暗麝蘭篝黛
鎖眉峰掩畫樓燈殘枕冷梨雲斷秋雨人間無
此愁

桃葉青

桃葉青青杏花吐樓頭吹笙教鸚鵡紅牙象版
按梁州金縷衣裳美人舞離情不似月常圓桃
葉青青似去季美人不來鸚鵡怨杏花零落畫
樓前
雙桐生空井
井上雙梧桐秋風易搖落綠葉墮鳴璫清陰捲
重幄紋甃生旅葵銀瓶響空索疏枝覆烏臺交
柯臨鳳閣美人矜容儀照影傷今昨鉛華逐波
逝歡賞隨季薄行客攀轡轡哀聲隔簾箔

明妃曲

胭脂馬雕鷹旗狐裘蒙茸金絡羈白玉作鞭雙
袖垂手抱琵琶紅淚滋黛雲點髻顏如玉春嬌
學得娥眉綠自擬將身寵漢宮誰憐薄命歸胡
俗窮陰絕漠易悲辛落日哀笳處處聞嚴霜夜
鏢關頭月朔氣寒飛磧裏雲鴻雁蔽天斜作字
駱駝連塞動成羣漢家君臣亦良苦却將紅粉
和戎虜廟堂內食列重裯汗簡如何照今古妾
身分得君王憂萬死胡塵心亦休腸斷季季胡

地夢心懸日日漢宮愁百奉一身何足道妾容
不似花容好漢家三十六宮春傾國傾城更有
人君王故殺毛延壽特遣單于貴妾身

鬼妾行

閨中女兒白於雪縣官娶作專房妾黃金翠羽
繡羅襦枕邊誓死心不渝豈憶榮華草頭露好
似青藤倚枯樹一朝樹倒藤無依垂垂哀哭牽
腸肚依稀無復半季春新官到任遣媒人鴛鴦
錦帳重還整鸞鳳金釵依舊新洞房更結叮嚀
語却說新情多勝故自忿飛花逐水流爲憐嬌
蝶無鶯妬傷心認着王衣裳窗前臨鏡照新妝
青銅欲待銷磨盡幾度春風幾斷腸

蘇小小歌同端孝思賦

棠梨花開春日遲綠窗銀屏鸚鵡啼玉驄慣識
尋芳路手縮同心約郎去

行路難

奉君五綵鳳凰之綺幄七寶鴛鴦之錦牀博山
氤氳之冰屑金盤沆瀣之瓊漿春風無情不相

待朱顏綠髮季季改姑蘇臺上鼓如雷四時歌
舞百花开當季意氣今安在鬼火如燈秋似海

董嬌嬈爲周郁賦

妾家住邯鄲少小矜容顏七歲畫娥眉十歲垂
髻鬟十三刺繡人前坐十五秦箏架上彈紅粉
樓高臨大路自恃芳季立門戶鸚鵡春眠芍藥
闌驕驄晚繫垂楊樹梅點香奩玉作鈿蓮移羅
襪金爲步朝歌暮飲綺羅叢東園桃李鬪春風
黛凝柳淺朝勻翠朱訝櫻濃曉洗紅燭圍錦帳

宵常曙香藹雕籠夕未空秋月春花等閒度誰
憐窈窕近新故夜夜虛迷洛浦雲朝朝枉結陽
臺雨帶縮同心只自憐枕期連理翻成誤眼前
相愛豈相知彈指風光節物移只道青春鎮長
好那知白髮易如絲容顏銷歇鶯花冷歌舞淒
涼鞍馬稀昨日樽前雙泪落誰似周郎情不薄
得配鴛鴦死亦判願諸魚水生相托青鳥緘封
書莫遲秦樓腸斷夜烏啼君卿豈羨東墻約梁
氏應同舉按齊

長相思高啓同賦

唱歌別君酌君酒出門不道離家久一日三時
聽馬嘶陌頭又見青青柳曉日遊絲墮粉墻聞
中啼鳥人斷腸鸞巾粉浥新年淚鳳枕情遺舊
日香比翼鬢雲長自愛合歡眉黛爲誰妝經春
魚雁無音信落花風急愁成陣走馬常提白玉
鞭封侯何用黃金印昨夜銀缸粲作花定是行
人當到家玉壺瀉香紅燭煖雞啼一聲嫌夜短
瓊姬墓宋仲珩同賦

野花凝粉鈿瓊姬醉時面夕露柳絲長瓊姬晚
黛妝行人墳上莫回首一顧春風一斷腸

秋夜詞

銀牀露滴梧桐葉紫殿香銷水沉屑玉簫吹罷
晚妝殘半搭珠簾拜新月
金殿人稀瑣窗綠輦路紅蘭馥秋馥生憎月傍
玉堦明芙蓉花裏雙鴛鴦

田家樂寄張師孟

田家樂今季庄農好秋作蟄龍蛰骨枯棹懸五

歷代詩選
明
五
穀咸登時雨若官家更憂民力疲公田折布能
輕齋小姑攜筐懶梳洗拾得綿花如雪肥大姑
軋軋催機杼踈簾樹影寒蛩語髮雲籠霧颺西
風看月生涼褪秋暑山徑牛羊下夕墟蕭蕭榆
枿草堂虛野老杖藜邀小酌諸孫燈火讀殘書
簡孔博士
宿雨曉還歇開窗消鬱沉煙光靄芳樹池上鳴
幽禽透迤瞻郡齋窈窕期盍簪孤懷屢百積羣
疑思一箴何時聯夜榻春漏委波深

左掖門朝退呈吳待制諸公

謬忝金閨籍聯班趨晚朝逶迤西上門窈窕長
安橋殘雪帶遠樹夕陽在山腰不有同胞者疇
能慰寂寥

別京邑之東阿

前季別鄉閭今季出京邑悠悠去江漢杳杳事
行役所懼心志違況此風波急鳥啼楓樹煙雁
下蘆洲夕回首望長安蒼茫寸心失

春夕直左掖懷周侍御

晚雨池上晴透迤淡將夕金莖華月生綺樹流
雲濕窗虛漏聲永幔捲爐煙襲憶我同袍人何
由共瑤席

憶園蘆

種園在東臯草荒瓜蔓長日落秋樹涼寒衣獨
還往時逢野老憇自足田園賞泂溪暝忘歸古
寺煙鐘響

經汝弼叔故館有感而作呈汝尚叔及彥

常弟

山館澹將夕寒燈對爐熏墻陰古梅落池深芳
草春疎櫺帶斜月連牀非昔人履綦無往跡琴
冊有餘塵坐感歲時改心悲文采湮緘題不忍
寫悽惻淚沾巾

題丁氏晚香卷

百草秋已謝佳菊獨含姿涼飈動秋馥夕露敷
寒蕤透迤被三徑窈窕盈東籬誰憐幽貞操自
托遲暮期持觴挹其秀靜使君子安

經白將軍故第

粉牆將暖日依舊柳條新上馬臺邊路春風無
一人畫梁暗巢雀綺席委芳塵桃李東園夜餘

香歎翠頰

西平沐公輓詩

桓桓西平公虎臆如鍬色總戎領貔貅破敵撫
蠻貊安邊鎮藩省匡濟立勳策十季參幕府深
愧簪纓客酌酒瞻南雲悽其寸心折

胡叔直輓詩

清江巖下梅瘦若松上鶴時聞九臯唳孤響振

雲壑仙籍登玄都文藻通紫閣詩魂不可招荒

雲雨苔剝

門樓傳子初

柴門對青山茅屋俯流水伊吾夜無眠寒燈墮
紅葦聲名一朝振車馬動閭里書臺悽暮煙過

客猶仰止

蘇平仲

看山文獻源後裔稱傑作垂雲九苞鳳瑞世麟
一角乘運登禁林雄筆振臺閣荒隧誰招魂悲

泉咽雲壑
魯志敏

魯山堆月場苦竹蔭清樾茅屋哦春風衡門臥
寒雪高義磨層空妙句追往哲平生憂國心泣

涕屢陳策

朱原立

門對箕山雲喬木蔭桃李鄰曲誰往還鉛槧塵

滿几馬啼踏槐花捧檄為親喜古市今蕭條人

稱紫陽里登文淵文獻

劉子高

匡衡昔攻書繼晷鑿鄰壁短燭凝隙光流輝映

緇帙苦力追正音漢魏深祖述落筆人爭傳文

聲重千鎰

高季廸

闔閭門前樹烏啼華月圓詩吟倚樓上午鼓未

成眠翠袖添瑤鴨烏絲寫粉箋每懷經濟念鸞

鏡感芳年

方方壺

蓬萊五雲宮金粉飾椒壁醉時臥瓊瑜酒醒灑
墨汁傲世雙眼高鬼谷白雲濕玉堂寄書來落
月夢相憶野鶴弔孤松衰螢照荒陌

黃季倫

折節委榮寵頓將生死齊秋荷補壞衲空林旅
幽淒懸燈禮繡佛清齋烹露葵虎溪流古月自
與遠公期

藍靜之明之昆季

清碧杜先生隱居武夷前朝以處士聘不起

藍氏昆季其門生也文翰英美青出於藍焉
靜之隱處明之官至按察

徵君天下名書藏武夷曲金澗青出藍丹田白
生玉棠棣馳英聲芝蘭播清馥桂林持節還高
風振林谷

李燦然

書將五車讀少奉觀國光龍池柳色綠官驛槐
花黃賜衣照春色淡墨題秋香林塘遺故宅猶
指鄭公鄉

葉楚庭

船頭酒百壺船尾書百冊閒騎桃花馬醉弄西
湖月狂吟捲秋濤聲撼扶桑折滄海無還期哀
魂楚雲結

風潮吳用晦

其祖月灣先生也

滄灣俯空寒老月懸古色殘花漂斷沼野徑繞
荒宅王珣稱短簿牙笏猶故澤文藻遺江山蒼
茫暮煙隔
題呂花園草堂朱雀橋
何處銷殘暑城南茅屋幽晚煙將野色春樹帶
江流愛竹從兒種耽杯與婦謀生涯成老圃不
是故時候

郊居雜興東陳途良

風雨人行少柴門午尚扃土花沿砌碧山果墜
枝青病眼耽書癖衰顏托酒星經邦方尚武寂
寞抱遺經

義城十二景其一曰烏石樵歌

烏石岡頭路林巒勝景開洲連青野濶山俯碧

溪迴墨沼春生草書堂雨蔭苔樵歌時出谷野
興屢登臺自得園廬藥生涯不用媒

花橋釣艇

花橋通駟馬錦里昔鳴珂紅雨桃飄浪青絲柳
蘸波石欄晴更倚釣艇暮還過魚暖金翻藻鷗
涼白宿荷先賢多勝賞落日一漁蓑

魯壇古市

洙泗流波遠尊崇百代同衣冠循習氣俎豆想
餘風市廢殘槐綠壇虛笑杏紅壤垣迷古鐸宿
草臥懸鐘文沼今更化絃歌幸歲豐

雙溪明月

月照雙溪水春流燕尾又光移船柁轉影落釣
絲斜壁彩澄鷗渚金波漾雁沙扣舷清不寐浩
興欲乘槎

萬斛晴雲

萬斛雲姿秀巖棲伴古松尚橫秦嶺態猶帶楚
臺踪林碧晴縈絮天青晚作峰也曾閑出岫上
下逐飛龍

東閣書聲

草閣深絃誦吾伊徹夜分鄰雞銷夕漏簡蠹護
香芸山鬼吹燈聽溪僧隔竹聞斷機遺訓在秋
夢落青雲

得漢彝簡周伯寧索香灰

古彝多款識蟠螭漢篆存黃金銷土色翠羽飲
雷文綺席流寒月銀屏度絲雲蘭灰能裹寄長
吟盡夜分

聽雨堂爲安成周氏賦

中季迫宦游邈若胡與越悠悠煙樹遙杳杳關
河絕況茲風雨夕坐想鴻雁隔篋墳寧共理孤
燈耿還滅懷寶重經濟括囊貴明哲何時對牀
眠慰此腸內熱

敬軒詩爲王達善賦

深巷何窈窕端居掩柴荆素心每無欲寡朴輕
浮榮慮盡默自守神清淡忘形危坐白日晚踈
林微雨晴開窗幽鳥啼蒲堦芳草青焚香奏絲
桐愛此塵纓清孤雲野鶴唳絕壑流泉鳴高懷

曠而婉雅音誰復鳴古人良已久寸心千古情

題蘇子卿牧羝圖

穹廬十九年坐臥持漢節歸來兩鬢班疑帶天

山雪

寒食客秦淮憶舊

去季寒食長途客桃花落盡梨花白今季寒食
客秦淮杏花李花無數開東風凋殘白羽箭落
日獨倚黃金臺緇塵蕭蕭騷吹病目破帽烏靴泥
漉漉藜杖東山弔謝安悵望飛雲仰天哭淒涼

心事更誰憐絲絳可以調絲絃子期已矣伯牙
死高山流水空荒煙王孫不歸芳草暮解衣沽
酒驅愁去誰言一醉可消愁酒入五腸肝膽露
便擬揚帆析木津仍期掛劔扶桑樹志士長懷
溝壑憂功名百歲等浮漚雨晴浪暖河豚上載
酒滄江弄釣舟

題諸葛武侯廟

武侯古廟臨江市碑仆苔荒字殘廢巴東巴西
巫峽長父老至今來拜祭木牛流馬將何施君

才十倍當曹丕託孤付國寄大事輔不可輔卿
爲之股肱竭力誓臣節五月渡瀘親出師君臣
氣義出肝膽千古淚落令人悲江流不盡潮聲
咽嗚呼遺恨三分國沙際空遺八陣圖蒼梧雲
暝秋蕭瑟

題崑崙雪曉圖

自有宇宙便有此山六丁智力憚疏鑿一氣神
秀鍾噴岍九龍上蟠日月麗六鼇下鎮滄溟寒
西母雙鳧遠莫至周王八駿遙難攀萬仞皚皚
太古雪大明中開爛銀闕玉京瑤圃恍瀛洲一
洗胸中煩惱熱自非砥柱障狂瀾大地蒼生混
魚鼈摩挲此圖雙眼開令我胸次生崔嵬安於
磐石奠四海長歌萬里大風來

過南湖嘴

城頭開船北風起帆輕直過南湖嘴上水歡呼
下水嗟龍王廟前淮燒紙小婦板罾楊柳磯淮
鹽換得鱖魚肥沽來新酒不成醉臥聽鄰船歌
竹枝

宿潯陽

潯陽城頭秋雁啼霜寒木落紅霏霏孤舟晚泊
日當西纜繫石橋楊柳磯庾樓基廢迷煙樹猶
記樓船爭戰處草店蕭條野客酤女牆依舊官
軍戍逝水滔滔送落暉繁華雲變不勝悲當季
司馬青衫淚翠袖琵琶夢已非

題賈文彬耕樂堂

前季戍醺口關去季來利陽鎮花陰臥犬喜官
閒沙際飯牛饒野興江村寒食落花初水滿平

出宿雨餘凝塵懶拂鵬翎箭負米歸來讀夜書
耕讀生涯爲子昇弟作

杏花開時啼乳鳩平野雨霽青煙浮稚兒呼犢
催蓐食長簑短笠登西疇布谷村南聲逐逐勸
人種苗食新穀蛙聲知歲卜田頭龍骨聲閒臥
沙曲九農鼓腹喜季登穰稷連雲欣歲熟草堂
低接榆柳墻柴門半掩歸牛羊溪虛笛弄夕陽
晚木脫風高秋露涼窗下移燈把書讀老翁燃
松當短燭但願官家徭役平雞黍季季會鄰屋

棲碧軒爲陳指揮賦

瑣窗斜隔紅塵道芳草滿簾晴不掃
碧前馬踏杏花泥柳外鶯啼春色好
羅袍犀帶紫金魚壁上瑤琴牀上書
雲挾城頭春雨過一庭修竹讀陰符

題滕王閣

珠簾畫棟當南浦呀草汀花幾今古
九江潮白雁橫秋五老雲青龍出雨
浩蕩滄波去莫回淒涼唐室不勝哀
空遺王勃文章在父老扁舟奠

酒來

題趙文敏公墨竹爲宋景濂學士賦

披翁老可俱已仙誰寫石上青琅玕
淇園蕭條白日晚渭水寂寞西風寒
歸來三徑無人共翡翠參差涼露重
瀛海終期釣六鰲緱山自擬棲雙鳳
八月秋高夜向沉長梢彷彿生清陰
千尋楚水三閭操萬里天山屬國心
洞庭冥冥波浪急模糊爪甲蛟龍蹟
悵望天涯翠袖愁一片湘雲淚痕濕

大梁行

大梁繁華全盛日宮闕浮天耀桃李魏國山河
十萬兵信陵賓客三千履上苑春晴花覆闌
雞走馬事金鞍銀燭填街美人過紫蓋凌雲公
子還五侯七貴行人避吐膽傾肝論意氣朱亥
能移晉鄙兵侯嬴自執夷門轡回首英雄非昔
時輦路人稀秋草迷舊遊歌舞今何處落日狐
狸當樹啼

潯陽行

江頭女墻啼野鳥亂石如壘驚濤呼潯陽九派
控吳澤匡阜千峰廻楚壚當時形勝夸疆土連
雲宮苑旌旗樹庾亮樓船赴國仇黥王版籍歸
英主盛季一去水流東冠蓋繁華處處空兩岬
蘆花浸明月滿汀煙樹鳴秋風古戍何人晚吹
笛客船莫向城邊繫翠袖琵琶夢已寒青衫易
灑天涯客

荆州護衛指揮陳公伯英鞍馬之暇焚香
吟詩高懷雅量令人起敬賦詩承教

將軍少季英氣豪學劍論兵談六韜龜紋璪甲
紫絲轡虎皮鞍韉紅錦袍三尺雕弓兩斛力八
歲龍駒雙佩刀不憤旄頭如火赤從駕南征破
戎狄鴻雁啼霜瘴月昏駱駝載雪狼煙濕羽檄
流星烽火連塞旗誓欲靜三邊啣枚檢塞金瘡
苦洗箭沙泉戰血羶柝營日落鳴笳鼓玉帳籌
邊月當午酒壓葡萄壯士歌花插真珠美人舞
奏凱歸來拜玉墀天恩頒宴畫樓西漢家未數
蕭曹業麟閣丹青姓字題

遊丹青閣

橋南楊柳綠成行出郭尋僧到上方城拱煙霞
開錦繡山圍松竹奏笙簧半簾晚翠涵溪閣一
枕秋雲護石牀安得遠公同淨業白蓮池上挹
天香

丁卯立春簡蔡宗文昆季

玉琯吹葭已應灰字題春帖手斜裁震司木德
三陽泰律協條風一氣回鸞輅憶陪趨御苑燕
釵曾賜出宮醅文園多病歸田早鬢影東風看

野梅

簡戴彥碩

故人營得草堂低老圃連城近市西碧注硯池
荷葉露紅粘屐齒杏花泥書懸牛角朝耕地飯
飼魚苗晚灌畦只恐長安雲路近馬蹄催夢聽
朝雞

呈西平侯沐都督西征

西虜憑陵久不賓詔書五道出將軍龍光燭劔
銷邊稜虎氣揚旌壓陣雲周廟昔聞方叔頌漢

廷今見貳師勳春風三月鶯花禁歸騎笙歌奏
凱聞

早春呈吳待制

上林春早陌塵香紫禁觚稜射日光新綠御河
搖柳黛小紅宮樹試桃妝山連曉氣蟠龍虎臺
枕東風憶鳳凰心折故園幽興獨尋僧看竹過
鄰墻

寄買文彬巡檢

故人一別動經春野渡維舟送夕曛銀燭照窗

歷代詩選
秋聽雨角弓懸壁晚看雲山城旗影中流見草
閣書聲隔岬聞江漢茫茫多舊識猶能俎豆說
將軍

與子昇弟觀捕魚

柳條風脆已梳黃潮落江空石露梁帆脚壓霜
寒殺網柁牙移月夜鳴榔載車有獵曾占渭鼓
枻無歌豈濯湘又得錦鱗長尺半鄰翁新酒正
吹香

徐叔度黃子初王仲愚同宿徐彥輔齋次

韻

草堂不厭客過臨清暑銷塵帶石林溪靜白鷗
晴泛影樹幽黃鳥晚留音綺窗分榻簾陰轉銀
燭移樽漏滴深向秀不堪鄰笛感墓亭秋思易
傷心

寄表弟朱永容永實昆季

渭陽河畔畫樓西紅粉闌干柳樹齊窗底折花
騎竹馬街頭籠草鬪山雞銀屏褥隱鴛鴦竝綺
戶香凝翡翠接回首繁華成舊夢對牀今雨不

歷代詩選
明
三
堪題

過蕪城懷古寄程伯羽劉子雍胡伯清

珠簾十里瓊花月
惟見荒城背夕曛
潮落邗溝迷廢壘
樹連瓜步帶殘雲
雄文猶記陳琳檄
故苑空遺煬帝墳
書劔昔曾趨幕府
白頭應愧鮑參軍

姑蘇懷古

城枕姑蘇笠澤西
垂虹橋接草煙迷
闔閭老墓騰金虎
勾踐空營失水犀
扶日樹荒羣鹿走
捧

心臺廢亂鴉啼館娃香
逕歌游處響屧廊空落
燕泥

過錢朝陽故居有感柬程伯羽汪宗彝

短牆依舊草堂深
蘭徑重過思不禁
芍藥紅殘花漂雨
甘棠綠嫩樹成陰
帖臨青李池遺墨
曲奏朱絲壁憶琴
回首風流陳迹冷
山陽鄰笛淚沾襟

俠氣

中季俠氣未全消
通籍金閨躡紫霄
龍尾趨班

晨漏轉螭頭簪筆晚香飄柳迷輦路迂瓊佩花
壓宮墻度絲簫報國自慚衰朽質經秋歸夢到
漁樵

拜外舅陳公禹謨墓東陳原輔

貳館東風憶昔奉笙歌如沸酒如泉麒麟錦帳
銷銀燭孔雀雲屏列玳筵井塌銅瓶渾臥雨香
闌瓊佩已迷煙傷心孤塚楓林外寒食殘花墮
紙錢

和九日韻寄朱見中二首

野樹荒臺帶晚陰昔年歌舞憶登臨桃花紈扇
西風冷蔓草銅駝夕露深舊夢青雲連館閣多
情華髮老山林江南庾信傷秋倦疎雨簷櫳怯
暮砧
憶從天上宴黃花烏帽秋欹鬢影斜宣賜綵壺
香注蟻醉簪宮筆墨塗鴉雲連雉尾開金闕日
射鸞輿引翠華退食從容休沐早短屏驚雨夢
還家

次秋日韻奉汝弼叔

歷代詩選 明麗
三徑歸來菊未荒
半凋楊柳弄初涼
銀屏紈扇題秋句
金鴨羅衣換夕香
老憶風雲趨北闕
夢無花月待東墻
狂游尚記秦樓別
翠袖紅綃拭淚行

送春寄楊孟瑄

腸斷春光春可憐
登山臨水送將行
天連草色圍孤嶂
樹帶河流遶故城
幾點落紅迷蝶影
一庭新綠占鶯聲
殷勤更約明秊早
酒對陽關慰別情

題葉楚庭醉漁卷簡彭敬宗劉子厚子明

風景二首

落盡荼蘼草覆裯
二分流水一分塵
小車都載鵝黃酒
蘇小墳前醉過春
渴眠蓬底口涎流
麩蘖爲池糟作丘
便向五湖成浪死
墓題應得醉鄉侯

京口中秋

歸棹前秊酒滿缸
牽衣稚子慰離腸
却憐月色連秋色
依舊他鄉憶故鄉

題舅氏亭簡朱原立陳遂良陳原輔

渭陽池館花如霧曲曲闌干面面池記得少季
遮妓飲至今楊柳學腰肢

暮春寫懷二首

楊州書記鬢蒼蒼每向春歸欲斷腸剩欲典衣
沽酒飲風流無復少季狂

青梅煮酒蕨芽肥倦客懷家入夢思想得故園
風景好一庭香雪落茶蘼

待渡溪澗因憶辛卯遊湖廿五日實先祖

可念

母誕辰時家宴彌旬名妓陳巧兒樓船
將還諸兄飲餞張宴設樂管絃竟夕今

轉盼三十五季矣念少季紅香翠夢俯

仰之間風流雲變華屋丘山寒煙蔓草

春風如昨痛諸兄不可復作予髮亦種

種焉感今悼昔不勝其情賦詩以寫懷

畫船曾駐渡頭西翠黛凝歌憶送歸今日不堪

重繫纜滿汀煙樹昔人非想來二亭心緒

繁華雲變都非舊一片寒沙臥夕陽惟有壞垣

春雨裏野花猶似美人妝

予舅氏朱民俊會心憇老二亭幼時往還
必預宴賞今已荒棘重來有感柬朱容

允實

憇賞亭西多牡丹季季攜酒向春看
于今池館都非昔野燒凝煙暮雨寒

石倉十二代詩選

明詩卷之廿六終

盤谷李翁遺稿序

葉子本靜往還於余者舊一日歸自太平道其
鄉美溪有所謂盤谷李翁者名勝原生樓也余
國初兵亂時以兵略自負嘗偕叔元帥誠公從
戍我丸于前葉于後來而隨信之謂已去之日
皇太祖有領兵取復江州之功得受繡袍銀碗
之賜事載縣誌可考也其後辭歸美溪以保障
一方爲略鄉民多賴之然卒之後竟以無子莫
爲圖其後事者而所家藏遺詩數百題亦竟湮

沒莫爲之表章以傳吾謂其族之裔固當任其責而故因予以遠來丐先生之言弁諸詩之首而幸其言之不泯人之因言而益彰也則豈惟李氏之爲先者幸抑亦李氏之爲後者幸也余以李氏子偕葉子遠來而旣許之旣乃告之曰世之負霸王之略藏匿山谷而不以售者有矣然竟湮沒無所稱述於後者抑何其數數也翁以兵略事王聖公余嘗一日讀自太平興其皇太祖於摧鋒陷陣之餘謂爲委身勤國非耶

且終其身侈受繡袍之賜亦旣生有餘榮矣今其詩埋沒百幾十年之久而始得有表章之人信乎三立不朽之在穹壤間也時秘而秘時洩而洩固自有鬼神默握其或遲或速之機而不容以人意叅焉者也玉得卞氏而始名而吾何能不爲李氏慶也公叔父元帥誠公卒亦蒙太祖遣官致祭是生榮死哀萃于一家又皆譜牒之可書者傳曰惟善人而後能成人之善念斯闡先之念也在前人效勤國事則爲忠在後

人闡揚先烈則爲孝忠孝立而人道之大坊在矣而吾何能靳於斯言

嘉靖戊午中秋日祁門石龍出人王諷大忠甫書于山房

石倉十二代詩選

明詩卷之二十七

盤谷集

大明

當塗李勝原著

後學曹學佺閱

雲深處行行日欲斜山環六七里溪遶兩
三家隔竹聞飛瀑隨風看落花村翁偶相值且
與話桑麻

望中何處是黃山山色空濛紫翠間六六奇峰

開海島重重彩霧擁仙關
雨腥洞口龍應出月
冷松梢鶴未還我欲乘風
凌絕頂軒轅雲駕直
須攀

過郭公嶺題山店壁

時戊戌年二十三同
方林諸公訪胡元帥

薄暮風前暑氣收
扶筇嶺上縱吟眸
一團林麓雲深處
三兩人家山盡頭
無酒可沽酬舊識
有詩聊寫記曾遊
丈夫未必輕季少
寶劔龍光射斗牛

湖口渡江過江州

曉衝湖口發殘月
五更前勒馬問寒
戍隔江呼渡船
劔鋒淬淮水旗影
壯山川祖逖應如
是吾心亦慨然

晚上江州

去去潯陽江水長
望中風物轉堪傷
玉樓金屋成荒土
古木寒鴉空夕陽
城市高低三十里
人家與廢幾多場
英雄草昧瓜分處
大業終歸是

聖皇

過石几嶺庄舍漫書

少季意氣本豪雄
望望雲霄第幾重
身計獨伶長在客
世情何似早歸農
一犁新雨春耕足
半醉香醪逸興濃
寄語諸公秋有望
黃雞白酒記相逢

九日偕楊大使張河泊李通判黨縣尹諸

公宴飲漫述短篇

誰家老圃饒秋色
青葙重陽不堪摘
淵明何不早辭歸
把酒花前還約客
菊花菊花須早開
客來且與相徘徊
風枝露葢各生態
不妨日日供

樽罌諸君意氣自豪放
一詠一觴足吟賞
揮毫肯讓謫仙才
舉杯不盡劉伶量
君不見牛山之泣情
何傷龍山帽落興何在
臺前戲馬亦豪傑
登高囊佩茱萸香
嗟我季季長在客
淮水淮山浮梗迹
故園三徑已荒涼
如此良辰莫虛擲

登浙源嶺半山菴

萬山更深處云是浙之源
山半菴初結林間霧
欲昏清泉流石壁
野犬吠柴門偶爾得佳句
呼僮問酒樽

過羊二橋

突兀此溪亭伊誰博濟心野禽時送語綠樹書
交陰流水有深淺青山無古今我來成小憇秋
氣淨煩襟

涇縣白花橋舖候呂景初

梨花飛雪柳飛綿風日晴和三月天滿眼溪山
饒逸興一村桑柘帶朝煙吹醒旅夢誰家笛噪
落日陽何處蟬邈矣鍾期無覓處素琴張壁未
須弦

蕙寒寶應卽景

宿鷺眠鷗水滿田敗荷疎柳雨晴天帘招村市
誰家酒風送帆檣何處船隔岸數聲牛背笛斜
陽一抹渡頭煙滄洲風景那須畫着我居閒樂
事便

客中遣興

薰風初動日初長紅蹙榴花出短牆舊識不來
情思懶北窗高枕臥羲皇

九月十五夜月蝕

時寓淮安

萬里淵澄見斗參官城禁鼓二更深一輪蟾魄
摩妖氣半夜金精犯太陰風露有聲秋耿耿山
河無影暗沉沉凭欄何處孤吟客亟欲圓回補
缺心

覓竹

爲愛君家千箇竹吾廬欲致兩三竿不栽也恐
令人俗多覓何妨着地寬未擬叢中畱鳳宿且
看根下有龍蟠願分風月歸吟韻共結堅盟到
歲寒

白燕

季季春社渡江津變化烏衣國裏身畫棟營巢
情有訢緇衣換白淨無塵銜泥立幕雙環玉掠
水穿花一剪銀莫是舊時王謝宅閒披縞素不
驚人

睡燕

新壘營成得所依羽翰嬌嬾傍簾幃閒思渡海
兼天遠夢想銜泥帶雨歸宿去巢中隨蝶化覺
來花外引雛飛臨風試聽呢喃語似向東君說

是非

送淮安刺史乃弟歸

十里長亭聽馬嘶送君把酒過河堤
離心遠逐東淮水爲報平安到隴西

過湖西失水道有作寄沈孟剛

扁舟一棹過湖西蘆葦叢深去路迷
劉阮天台更何處重來難覓舊桃溪
平湖遠掛一帆風煙水茫茫入望中
水道忽迷天又晚蘆花深處問漁翁

雜詠

折得野棠花半開媚人顏色傍樽罍
東風瞰我燈前醉又送啼鶻雨後來

書田家壁

四顧溪山景物嘉歡同野老話桑麻
數聲雞犬白雲塢半畝池塘青草蛙
官稅早償農力足茅簷低逐竹籬斜
我來應作田園主宛是柴桑處士家

過龍門灘同元帥叔至應天府東門外

浪拍龍門亂石灘滿篷風雨聽潺湲東迎麻口
一村水西望涇陽數點山千古詩名留白下半
生心事殞朱顏短吟寄語巖棲士莫道功名只
等閒

采石

夜深風靜水無波獨立江頭且浩歌買酒放懷
人醉後滿船無奈月明何袁宏泊渚名猶在溫
嶠燃犀恨已多明日江頭掛帆去興來重淬劒
鋒多

壬子春同方虎輕過桃嶺次韻

繫馬山前嶮欲攀山深忽聽水潺湲煙霞掩映
層巒外樓閣參差古樹間仙境已知塵世隔俗
人不到洞門閒我來駐屐仍畱句驚起潛龍湧
出關

題旌德三溪驛舍

十里長亭路行行驄馬嘶桑麻蔽平野潦水漲
前溪一曲晚蟬噪數聲山鳥啼公行從此過得
興自吟題

濟南午日同郭椽郎遊龍洞二首

駐馬探龍洞崎嶇石路分
數家新草舍十里舊
煙村更有東山展須開
北海樽神仙此佳境何
必問桃源

其二

今日端陽作勝遊行馬上
縱吟眸幾層古塔
崖高處一窟清泉山盡頭
龍去洞寒雲氣濕客
來風靜鳥聲幽石邊滿
把蒲觴泛頓覺滿懷無
限秋

魯港

一日風帆駕雪濤晚來牽纜此江臯
遠山雲外橫千里新水船頭長
半篙鷗鳥驚飛前渚去烏
鴉又向隔林號倚篷酒醒寒相逼
喚起山童整敝袍

鶴珠潭

鶴珠潭深水澄碧下有層瀾幾千尺
泥沙安得蛟龍蟠雲日時看魚鳥閒
茅屋人家水西曲門前綠草眠黃犢
好風肯便掛征帆陵山載酒遊

歷代詩選 明李盤

涇縣卽事

仙巖
古木荒碑對縣門
數家煙火自黃昏
河流故遶山邊市
驛路斜通郭外村
煙雨園林梅結子
春風籬落竹生孫
愁看市井蕭條甚
喪亂曾經幾戍屯

龍灣江口作

滾滾紅塵兩鬢斑
經年爲客滯江關
夢馳鄉井今歸去
恨逐江雲幾往還
野色帶煙迷雁渚
櫓

聲搖月出龍灣一樽自酌堪消遣
回首揚州數點山

流雲題馮進士養質山水畫

青山疊疊靜當戶
長松挺挺凌煙雨
數椽茅屋竹樹間
中有高人抱幽趣
翠巖丹壑深幾重
水遶人家隔秋浦
石巖突兀不可攀
茫茫遠水難爲渡
瑤草琪花滿澗阿
彩霞瑞靄開林塢
山中採藥人未還
夭桃穠李迷歸路
馮君抱負經濟才
綠袍新着登天府
奈何亦有丘壑情
持茲圖

繪索余句披圖便覺逸思飄荏苒巾袍襲煙霧
山明水秀有如此恨不攜家此中住

壬午至家除夕作

歲除燈火夜紛譁湖海歸來兩鬢華舊日題詩
何遜宅今季守歲阿戎家梅花與我老來壯椒
頌驚人興自賒羅拜諸孫如竹立笙歌簇擁醉
流霞

石倉十二代詩選

明詩卷之二十七終

野莊文集序

野莊王氏家太康吾不復論其詳然而以儒名
家迄於今不衰古所謂天下文章家有足徵
矣今王子朝獻者更自表表所謂稱其家兒非
與也丑之秋吾來視事大梁聞其賢旣而延之
公署日與兒輩講解自是益重之一日因出其
先人文集凡若干卷則有若野莊集有若退翁
集慶嘗讀焉鏗乎鏘然曰嗟乎盛哉此古之遺
聲也及訪野莊之孫知縣曰節其曾孫運同日

照嘗欲梓之而未果也節之子舉人曰庶煦之
子監生曰暨者蓋嘗梓之而未竟也乃至朝獻
謀諸其叔祖杰夫杰節之子庶之弟也朝獻煦
之孫暨之子也今將同心梓之廣世德也是皆
可以觀其孝矣夫以其父祖之賢家學之有傳
固也然野莊之文必待是時始出則夫人事之
通塞文章之顯晦固亦有數存乎其間吾重其
善繼述也爲作野莊集序
嘉靖九年河南按察司副使開州王崇慶序

石倉十二代詩選

明詩卷之二十八

野莊集

大明

大梁王 鈍著

後學曹學佺閱

題襄縣張醫人所藏續茲圖

伊人在空谷灑落非塵襟寫懷無俗物手摩嶧
陽琴況有芝蘭客賞茲山水音松風起坐隅寒
泉瀉遙岑屨絲忽斷絕愴彼聽者心安得鸞膠
續一洗桑間吟

偶書

客從蜀道來，偏仄連雲步。棧高天與齊，復值悲風暮。心旌屢動搖，毛髮森然豎。徬徨無所之，顛沛同朝露。幸安平地居，誓不出庭戶。如何好事人，強迫風濤路。見者笑無知，行者非不懼。居易以俟命，行藏安所遇。

秋江釣隱圖

紅葉照青山，空江淨如練。危磯繞寒水，釣客迺時彥。風吹布褐單，露滴竿頭線。魚肥食亦美，澹然無所羨。塵鞅幸不羈，何慮身名賤。回首顧茅

簷，妻孥日相見。就中有真樂，風波看欲遍。白鷺與沙鷗，慎莫非熊薦。

過巖陵臺

先生漢隱者，志不事王侯。炎劉甫中興，絕蹟依巢由。一竿釣煙雨，澹然披羊裘。物色時見訪，意尚山水留。客星動薇垣，於焉近宸旒。帝欲與共治，張目無所酬。浩然拂袖歸，笑撫桐江流。吁微包荒量，苦節何能周。高臺倚雲漢，無復綸與鈎。清風久不磨，漢德同悠悠。我適過其下，寫此舒

離憂

寫懷

嗟予蓬梗身居竈無黔突道路行難盡山水看
來熟回首望白雲老淚空盈目閩關告在邇日
遠黃茅屋母衰難就養子幼未撫育浩然天壤
間何以慰幽獨乾坤會清寧奇材秉鈞軸於焉
返衡門歸耕迺吾福

過錢清驛詢其故迺漢會稽太守劉寵棄
錢之所也

錢清題驛額往事人未忘昔云劉會稽為政循
且良山村犬不吠境土樂耕桑瓜代期不去士
民徒徬徨欲留留未得餞別別可傷慇懃舉槃
實而乃具孔方嗟彼田舍翁心誠禮未當賢哉
劉會稽遇之何周詳不矯亦不激義氣若春陽
怡然選其最謝去投滄浪水以錢愈清錢以水
亦彰寥寥千載下孰不誦遺芳傳舍並坦途輶
車走周行好詢錢清故刻骨銘肝腸異時任司
牧肯染銅臭殃

唐人牧馬圖

兔髯香染松煙濕腕底龍媒驚霹靂雲箋半幅
秋水橫霜蹄曉踏滎波立圉人持筆唐衣冠恍
疑毛仲臨雕鞍當時駿骨豈易得遺形獨賴曹
與韓我今按圖嘆奇絕真如目覩雙駉馱憶昔
吾門疋練過光芒閃爍明於雪夫何路險鹽車
隨伯樂不遇知者誰又思燕臺有高價郭隗一
去無良媒華陽春雨生芳草水暖沙平渾不擾
此圖此景着意深冀北凡羣愁欲老

胡琴行

館陶巡簡鄴州客煮酒烹羊留悅懌席前白髮
老伶人手操胡琴聲裂帛初如巖溜響秋風又
若林鶯調曉舌嚶嚶咿咿離鸞鳴切切嘈嘈丹
鳳別座中萬壑松濤生鶴夢驚迴山月白憶昔
戎王馬上彈紫塞風寒霜草折旃廬再鼓明姬
愁黑河水淺波聲咽流落中原今幾季北鄙宮
商猶未絕高山流水更無聞別恨離情轉悲切
我胸磊落雖難平自許肝腸如削鐵肯爲兒女

悲酸淚痕輕漬青衫血君不見江州司馬好襟
懷至今恨壓潯陽月

益陽道中

山行將半載兩過益陽軍廢宅消兵燹荒田照
夕曛馬衝松嶺霧鳥動竹溪雲心爲陶甄迫寒
泉耳倦聞

至平泉

爲愛平泉景依稀類午芹龍祠新壯觀孔廟舊
遺文村舍魚鱗次山泉燕尾分獨憐崖畔栢晚

翠礙行雲

蒙亳道中

半生空落魄千里幾迤邐有夢莊周蝶無緣老
子仙草花開霽雪野樹鬱晴煙風景鄉關近毋
勞聽杜鵑

太康道中

城郭千季舊村墟百戰餘客途迷草徑民舍結
茅廬野燒驚文雉河冰帶錦魚莫輕傷往事空
惹淚沾裾

丙寅春三月至皂林驛晨霜如雪

江南三月半草際尚鋪霜料峭人猶怯垂蓮事
可傷春風虛館舍冬月舊衣裳總是調元責何
勞問彼蒼

過蘇州無錫

溪橋渾甃石野渡盡橫船旅驛三吳會人家一
朝川春潮隨急雨晚樹澹輕煙莫說江南好翻
愁聽杜鵑

彭澤憶古

五柳今何在孤城夕照間折腰羞爲米矯首賦
歸山出岫閒雲懶投林倦鳥還歲寒籬下菊猶
有傲霜顏

正旦與同寅遊虎跑寺

聯轡出城西山光水色低客懷高鳥過人跡亂
雲迷綠樹藏僧寺蒼苔印馬蹄歸來頭上雨催
何路成泥

安化山行二首

萬山高處雨聲寒倦客天涯典已闌地隔湖湘

書故遠雲連巴蜀道應難曾悲夜月青衫濕又
怯秋風白苧單松菊成荒歸未得病軀深悔悞
儒冠

山行苦厭路橫斜歷徧湖湘未到家雨脚傍人
雲礙馬樹根成磴地蟠蛇老添鬢髮莖莖雪秋
染楓林樹樹霞陟屺望來空淚眼雁書何日到
天涯

過湘潭

短棹輕蓑汎汎舟滿江煙雨雪初收天旋岬轉
疑行馬心曠神閒愧野鷗雲抹山腰凝暮藹浪
添沙觜漾春流不知何處歸帆急遠掛瀟湘一
段愁

臘月二十五日食竹筍菜薹因以記之

可怪湖南氣候偏隆冬草木綠叅天菜花開徧
江頭圃竹筍穿通嶺外田空谷鳥啼無雪積清
流魚躍少冰堅當時孝子稱王孟難顯啼寒臥
凍賢

寧鄉夜雪

雪敲庭竹韻蕭蕭衾鐵生寒轉寂寥蜀道難行
山更險鄉關無信地應遙旅懷渾似鳥驚月世
事還如鹿覆蕉莫把青銅臨曉看朱顏今夜半
成凋

雪中憶舊歲

匝地形雲玉屑霏園林無樹不芳菲逋仙與在
梅花老謝女才高桺絮飛山市冷迷樵子徑江
村寒壓釣翁磯却思去歲文園醉半夜醒來尚
着衣

雪中作

凍結冰壺一樣奇銀河冰剪玉花飛山中自是
迷樵徑水際應難認釣磯道路有塵俱皎潔園
林無樹不芳菲騎驢且莫尋梅看醉臥村翁正
掩扉

密縣令號蕭集

結葦棲身太古淳華堂幾見海飛塵笑攜琴鶴
爲良友擬卜雲松作近鄰白露慣經霜葉老秋
風難破屋茅貧芳馨自可同蘭室舒卷從來別

歷代詩選
明王鼎編
有春

迴大名黃金堤

黃金堤上柳如煙中有人家屋數椽牛犢放將
春暮草兒童耕徧雨晴田落花流水非塵迹舞
燕啼鶯若洞天此處更無官府擾也應劉阮悞
求仙

過直沽

直沽東望海茫茫北運當季億萬糧吳地廣收
新穰稭燕雲難護舊帆檣潮生海月人煙靜浪
捲秋風水氣涼葦屋野人垂淚說雕梁畫棟久
成荒

過武夷山

清江碧嶂武夷山快我平生愛慕間始信神仙
真窟宅恍疑猿鶴有鄉關光生丹井煙霞重雨
過虹橋翠黛閒却笑藍輿遠遊客偷尋泉石慰
衰顏

神光寺

山上祇園小市廛最奇城郭遶林泉天開圖畫

歷代詩選 明王野菴 九
三千界海劫桑田幾萬季老觀雲岵留虎臥定
光雷石起龍眠獨憐有髮僧何異無計來叅面
壁禪

元日烏撒

二十三年洪武春自憐常作遠遊人椒觴阻薦
萱堂酒劔佩空霑驛路塵萬里雲南新報捷千
場塞北舊傷神綿綿烏撒青山外笑煞華筵慶
壽賓

過趙州

兵後人家住近屯數椽茅屋不成村開渠旋引
山頭水緜竹常修舍外門煙火比鄰新聚樂干
戈遍地舊傷魂太平有象今伊始好學堯民答
聖恩

雲居菴

三茅觀右闢禪居修竹長松畫不如佛閣倚天
塵世少僧窗留月鏡臺虛澹煙翠靄無還有蒼
狗浮雲捲復舒却笑無心來出岫爲尋真境藉
肩輿

中秋不見月

白苧衫輕不耐涼
滿庭疎雨月無光
山河影沒秋纔半
鼓角聲寒夜未央
丹藥杵閒玄兔歇
桂花香靄素娥藏
乘槎便欲浮銀渚
乞取清輝照四方

題戒上人萬松窠

萬箇長松障俗緣
歲寒貞節要同堅
裁雲補衲山餘畧
留鶴爲賓月在天
眼底雪霜空似玉
耳邊琴瑟本無弦
莫教風送江濤急
只恐聲繁聒

老禪

延平道中

紅紅白白滿山花
萬品爭春亦可嗟
我欲問名渾不曉
方知生意浩無涯

題畫三首

水色山光別樣天
人家籬落小溪邊
無由攜杖尋春去
漫着衰翁憶輞川

數椽茅屋傍重山
流水桃花隔世間
溪上有人方待渡
柳陰那許小舟閒

廣州詩選
古木千章屋數椽此君顏色最空憐怡情不獨
琴書事隔斷紅塵有翠煙

王半軒傳

半軒諱行字止仲王姓半軒其號也蘇之吳邑
人初父某爲閭門南市人讐藥以交鬻紛拏挈
之爲乚助半軒尚髻季藥踰千品悉志某具某
若多寡酬應無或遺主媪老好聽稗官家說卽
默記數本迨晚歌爲之娛主異之爲語若能讀
書否耶授魯論一帙翌日乚成誦矣遂大奇之
罄以帑所度經史百子恣其探閱大有所得季
未弱冠辭去啓蒙於城北望齊門舊居時聲譽

殷發願交畢至而議論踔厲證據今古常屈其
座人然家徒壁立几無留策詢所學曰向得之
藥主人耳爲詞章汪洋奧美關節開解千緒萬
端參錯傑出一時老生咸畏之臨川饒叅政介
之分守浙右以詞翰豪視東南號醉樵爲之詩
歌者殆徧惟難於一文耳間延與言曰是非莊
騷家言莫殫其形容卽席爲說不加點竄饒仆
地曰吾見中朝才儁亦夥未有類子敏而奇者
真天才也亟疏薦以天下多事半軒亦靳弗售

長洲周莊沈達卿其父號萬三秀者貲雄當世
爲禮聘于家塾每成章輒償白金以鑑半軒槩
麾去曰使金塢可守則燃臍之慘無及也吾言
止如是直何濫取多田翁爲哉三吳鼎沸所據
者恃多壘礮石自固半軒私語曰兵法不云柔
可以制剛也或請其指曰設植蕩篠頎而韋者
繫布於其端如帡幪然人出沒其下雖礮至而
布必隨之低昂則人無害而石可盡矣後大將
常公提兵至果用是計而城遂破所與交靡不

服其談兵之有徵也洪武初郡庠延爲經師時
訓導無爵與祿猶儒生衣巾弟子員多由統綺
心易之以五經雜進問難半軒悉爲辯說不少
紊泊刪潤課業刃迎縷解衆始吐舌曰王先生
有行書厨皮瀝籠之號以其該博無少滌漏也
郡守江夏魏觀以國子祭酒左遷于蘇聞之於
朝蓋將大用之也以季漸高解任避跡于吳山
之下石湖之濱以經訓自娛凡碑銘序記求著
述者悉歸焉間寫圖并題其上以自適旁通緇

黃家學與之論苦空玄寂累日忘倦率致其厭
服第合什稽首謂澹如居士其再世人耶尤深
契乎道衍謂必有知者晚更號楮園有楮園集
十五卷半軒集六卷學言稿十卷四六劄子二
卷宋系統圖二卷人咸膽傳以故人梁公招入
金陵而沒實洪武二十八年三月十二日年六
十有四云

石倉十二代詩選

明詩卷之二十九

半軒集

大明

姑蘇王行著

後學曹學佺閱

鄭禧之松林才子圖

橫空微霞澹初卷一片蒼雲隔層巘遠壑清風
 拂樹來煙鬣稍稍櫻如剪蹇驢隨意歷山岡此
 景此情應兩忘忽驚啼鳥翠微裏催我佳句投
 奚囊人生樂事知多少獨有吟情超世表為瀉
 詞源浥畫圖晴壁高堂楚山曉

寄綺川故人

雲木翳長夏閒齋有餘思
緬彼湖上山日夕生
妍姿佳約旣已屢歡遊
阻前期芳條含晚榮
碧草餘舊滋終當遂良覲
賦詠高秋時

寄題聚碧軒

喜遂投閒意開軒對竹林
高空蒼雪墮永夏綠
雲深縹帙涵晴色湘簾
駐晚陰須知子猷興千
載一虛心

題聽松卷

長松知幾樹樹樹着清風
飛雨夜初急怒濤秋
更雄醉歸山月裏高臥
石樓中那復釣天夢知
音自不窮

寄題遠山樓

漾水迢迢遠空當樓歷歷
遙峰高捲湘簾獨坐
煙中幾朶芙蓉

煙楚蒼茫際曉霜空浩蕩
凝秋何限江山遠意
披襟獨倚層樓

酬韓蒙菴巾篔之惠紆遲有愧情見乎詞

歷代詩選 明正山人
永夏倦炎燠頽陽劇朝暎慨彼鬱鬱懷益此靡
靡煩旋當歲華晏凝陰霜霰繁栗烈不可任乃
復思晴暄寒暑互侵虐弱質詎長存故人念衰
朽交情彌見敦輕箠貽夏涼重巾致冬溫溫涼
適其宜安我旦與昏斯惠良匪薄胡能答瑤琨
東風入林廬春事看已殷羣彙紛自暢新泉生
故源時物諒足娛高居況丘園爰忻慰遲暮相
從詠道言

次韻沈學菴閒居雜興

樹影覺秋踈山光映晚除溪老和雨薦石髮任
風梳艾蒨窻餘篆芸暉架有書呼兒具毫楮應
欲賦閒居

題子昂歸去來詞

虛館坐清曉高秋零露時佳菊秀可發寒葩含
晚滋芳馨發孤思寫此歸來詞餘興猶未已玄
玉生瓊枝孰謂公子懷不與幽人期撫卷三嘆
息緊季非義熙

題畫二絕

厚什詩選 明王山伯 三
濃翠幕晴巒春山古寺閒鳥啼花落處曾共扣
禪關

晚岫含殘日寒波蕩遠空層闌人獨倚秋思渺
無窮

畫二首

高館踈簾晚乍開讀書聲裏故人來山中本自
無塵土催得家童掃綠苔

雨後飛泉下碧湍長松修竹草堂寒無人解識
高人意溪上青山獨自看

次韻張伯純見寄

一從高跡隱林垞城郭登臨不共行流水高山
誰得解暮雲春樹幾多情平湖遠漢空明裏落
日羣峰紫翠橫已喜芳鄰近相接好懷那惜向
君傾

讀書齋

閒齋寂無營忘我外馳意韋編在燕几芳席藹
蘭氣蕤蕤庭草深泔泔澗水駛永坐絃我詩清
風自南至

雪夜西灣訪友道中卽事

山中風雪下三日日出未消溪上寒行路不辭
穿窈窕人家何處有琅玕初春草色綠沙見數
樹梅花隔水看世景欲摹難潑墨祇將粉筆寫
林巒

虎丘春霽圖

羣巘抱西郭一峰出平田孤秀凌太清旁絕絡
與聯古迹遍林谷干將闕重泉劃開千尺巖下
見清泠淵翠壁絢霞彩葩辭詠前賢于時屬青

春霽色明高天鳴鳥亦已和衆卉紛自妍夙駕
爰此遊襟懷遂悠然豈曰事賞心觀俗古所傳
來牟蔽丘壠饁耕滿疇阡樂土有若茲勤政復
勉旃願同擊壤氓熙熙度餘年

爲王立方題雪峰孤眺圖

層空飛雪夜湯湯獨倚危闌向曉看縱使萬山
同一色不妨孤嶂出高寒

江館有懷王爲善

江館坐閒夕客懷聊自寬思君不可道清夢若

爲安露氣寒花馥霜華晚葉丹
葱葱好城郭延首向西看

雪航

大野饒積雪溪山同混茫
軒窗時眺望虛邃若舟航
曉霽浮玉色夜寒流月光
陰山餘興在吟詠不能忘

水雲居

秋水春雲萬里空酒壺書卷一
孤篷多情最是閒鷗鷺
留得詩人作釣翁

秋景小幅

煙碧帶霜紅秋深處處同
晚晴山更好詩在野航中

先月樓

結樓臨水上風景問如何
明月夜先到清光秋更多
高簷垂碧漢低檻俯金波
想得憑空澗長吟復浩歌

梅花折枝圖

映水一枝開春從筆底來
高樓謾吹笛終不點

蒼苔

附戴奎詩

別弟文益往蜀省按察僉事文信

我家遷居自閩土傳世于今十有五源源始從
五季來子世咸知立門戶儒賢術業每升堂雲
路登躋亦聯武石屏先生曾叔祖錦繡輪困作
肝腑平生蹤跡半江湖只把文章傲珪組汝昔
嚴君嗣冠裳金臺之上長翱翔雄篇大字照玉
署詩名遠播流錢塘邇來書聲雖比屋愧我第

兄俱碌碌行看庭砌長芝蘭祇見蒼藤倚喬木
惟君伯氏振海東雲夢八九吞其胸春秋奧義
盡剖劖五傳同異工磨礪射策丹墀始擢桂拜
官烏府俄乘驄去年承恩入西蜀黃麻紫誥相
追逐豈惟持斧懾凶邪要使褰帷問民俗汝今
爲弟能念兄萬里行色何煢煢瞿塘無復向時
險劒閣試覽前賢銘成都魚肥酒正美一奏壘
篋可勝喜世間之樂此最真白璧黃金何足擬
當時勝迹紛在目想見追遊日不足浣花杜老

歷代詩選 卷之九
或同吟市肆君平時就卜武侯勲業誰可繼古
柏森森見祠屋

發澄江述事言懷

憶昔歸隱東海頭矢心不逐羣兒遊結屋空山
卧深雪篝燈永夜吟清秋如此棲遲踰半紀自
甘疏糲餘無求長竿或從嚴瀨釣短筆肯効班
生投海國紛紛擅豪右五花驄馬千金裘一朝
城邑化焦土肉食竟爲何人謀榮悴由來易反
手諸君尚喜能包羞州司惜無涇渭辨遷逐乃

欲窮岩幽窘予貧病亦在遣矯首上訴嗟何由
陶令徒知解甲早鍾儀奈作南冠囚呼天呼人
兩無及反躬祇益思愆尤唐君新作吾州守温
詞直欲紆人憂爲言今日百政舉詔書每爲徵
賢優築臺行從郭隗始借箸欲籍張良籌梗楠
匠石安肯弃參苓藥籠終俱收浮梁側畔艤船
待奮志好去無夷猶聞言錯愕惟掉首智愚今
古寧同流吞聲不發出城去澄江萬頃寒悠悠
緇塵上衣日豔驪飛雨灑面風颼颼迴頭却語

二三子故林爲愛藏書樓趨朝乞身幸見許便
擬散髮歸丹丘

留別胡叔輝先生

千山起伏如海濤中有萬八千丈天台高故人
結屋隱其下老氣直與山色爭摩霄平生不慕
青紫捨放浪每逐真仙遨歌詩有時落城府鏘
然遺響如鳴韶嗟予遠道廿載久羊腸九曲躋
板勞石梁回望不可躡思君幾度心搖搖前年
歸耕計始遂石田茶菑廿耘藉望君道里尚三

百聚首未得相招邀海隅詔令一朝布憧憧去
去蹋三吳路趨召初聞只貴豪竄逐旋知及寒
素人言珪組榮我歎儒冠誤親知日去眼何期
與君遇皓髮同驚亂後看青眼還如向時顧長
鬚長鬚君一呼倒囊贈我千金蚨金陵春色幾
萬斛到時莫惜頻頻沽感茲厚意心轉惡但願
君今事耕鑿後來孫子知讀書勿慕前賢學干
祿

聞有汴京之行留別壽幙吳仲素

長淮南北知幾州壽陽還在淮西頭昔年此郡
屢反覆祗憐淮水惟東流版圖一朝歸上國亟
爲遺民救顛躓掄材誰復歎賢勞入幕况聞優
贊畫延陵季子千載名今君秀拔真後生平生
操履果何似朱絲絃直冰壺清江南遷客多如
雨老幼扶携適茲土間關來就衽席安慰勞已
忘行役苦就中竄逐誰最貧石屏孫子林泉人
袖有文章賤如土眼看甌釜空生塵秋風一夜
振林薄毛骨蕭森歎非昨千里雖殊驥尾蠅此
身却愧雞羣鶴扁舟汴水行復沂肝膽崢嶸向
君露人生離合不可期青眼何時重相顧

賦西村耕隱

斯人好文仍好奇酒酣索賦西村詩解衣爲君
揮翰日束書正我朝京時吁嗟二人本同里羃
羃餘陰接桑梓幾乘蠟屐蹋春泥亦棹蘭舟泛
秋水君家實任小嶼西山田日日催耕犁草廬
年來卧不任致身却向黃金臺當時青紫能拾
取清夢只今成栩栩故國遙遮天姥雲謫居同

歷代詩選 明黃文
聽長淮雨鳳詔新從天上傳君應早晚能歸田
種柳重尋元亮宅說稼好誦坡翁篇錦囊多詩
總如玉更有遺金買黃犢扣角無爲長夜歌掛
書莫向傍人讀予知有計不自謀硯田禾黍無
時收何得西村一相遇爛醉白酒黃雞秋

應朋來臨別索題存耕舊隱圖

憶昔百丈岩前遊泊船去登湖上樓天清野曠
一凝望錦屏森列當前頭中見蒼厓板地起絕
憐嘉木連雲稠竚窳回溪出僧宇參差危壑生

懸流人言此地倘歸隱布衣便欲輕公侯茆屋
春深薜荔長石欄路遶叢篁幽長鏡茯苓靜可
斲空林柿葉寒仍收回頭世事忽如蜩廿年誤
向紅塵裏不知何日繼追尋每憶此山勞夢寐
應君示我新畫圖開卷中堂起煙霧摩挲濃墨
思舊經却似登樓看山處君謂松根卽故廬一
榻左右俱圖書沙田水足牛力壯歸耕試論今
何如

賦竹坡

旁隣異花多，遶屋慢紫妖。紅眩人目如，澆美酒
花下傾歌舞，朝朝看不足。君家美竹緣坡生，蕭
森却似篔簹谷。騷人墨客爭款門，好事日題詩。
一束山陰高致世，詎知旁隣舉手休。柳榆顛風
惡，雨一夕至芳菲狼籍成。嗟吁此君節操，祇自
如雪霜縱遇，那能欺幅巾。藜杖久可傍筆牀，茶
竈長相隨我記。扁舟昔相遇，醉向沙頭竹根卧。
君時宦遊閩海間，竟日孤吟復誰和。今同遠客
心欲摧，舊徑蕪沒何時開。春雨遙知子孫長，秋
風不報平安來。山堂忽聞詔許歸，蒲引竹葉歌
竹枝到家，截取一二管。請君持獻伶倫吹，九苞
彩鳳當來儀。

贈別鄉友陳繼善王宗儒及表兄王友諒

同赴京議禮

蟄雷初動連月陰，臨安客舍春草深。披衣起踞
木榻坐，竟日倒掩柴門吟。誰能載酒問奇字，敢
擬乘興來山陰。諸君扣門忽剝啄，何異空谷足
然音。嗟予托交舊，不薄異縣相看客。懷惡羈離

雖幸一身存問答不知雙淚落世間幾度卜非
熊兵後何人憐屈蠖耕鋤有夢空涉春獎勉多
君尚如昨窮簷寂落風雨俱君來復別將焉如
龍飛九五萬物覩紫泥屢下徵賢書三千禮樂
須制作奮衣徑謁承明廬人生窮達那自知君
能論列須及時漢室仍傳賈董出虞廷再覩夔
龍趨書成志得未白首錦袍相輝印懸肘此時
題字倘相投我也滄浪一漁叟

送別陳嘉惠

我記昔遊章貢臺臺前二水相盤迴登臨適與
形勝會放傲却使羣公猜惟君傾蓋卽相厚結
交便擬如陳雷江上時同夜月權花前幾共春
風杯移船一向豫章泊風物蕭疎歎非昨絡緯
愁連孺子亭梧桐秋滿滕王閣同遊豈無三數
公總爲異鄉憐寂莫君時唱和詩最多錯落驪
珠千百索江城十月霜葉飛君先別我趨庭闈
臨岐贈言曾未幾束書我亦東吳歸始信天涯
俱是客客路聞言轉悽惻瑤琴古調且須彈官

柳長條折何益

題潘氏禱雨有感詩卷

連歲浮淮去為客客裏無禾郊無麥盤飧豈欲
待豐登雨暘猶知望時若今年故鄉早曠多我
歸無麥還無禾潘君禱龍雨輒應我聞雨脚醉
拍船舷歌嗟哉老夫本漁叟綠簑飽卧煙波久
中間出處亦偶然豐歉于身果何有于今世途
蜀道難觸眼倉廩連雲端倘得年豐租賦足官
府我雖愚者身能安潘君潘君藉爾力稼有秋

今農有食衆因頌爾能感神我亦重君無德色
曉來日送南征鴻因之為寄雙詩筒姓名到眼
不相識隔隣好問松溪翁

題錢舜舉所畫梅花卷

雪溪畫師名早傳畫梅不作鐵瑋圈湖山入夢
既瀟灑粉繪落紙尤清妍巴西故人玉堂老別
去幾年音問少溪雲山月不堪持一枝寫寄春
風早想當盤礴欲寫詩寓情筆底誰能知心期
不負歲寒意貞潔要如冰雪姿到今令人歎奇

絕我亦見之慚蹇拙從誰交誼重金蘭空慕廣
平心似鐵

又送文益兼懷文信文善

天寒糞北野草黃騏驎空風吹鴻雁斷相失雲
萬重人生篤天倫所願出處同一朝異南北惆
悵成飛蓬君不見楊家椿津義讓敦千古共稱
賢宗昆又不見淮南俗夫良可鄙尺布之謠汗
八耳爾今爲弟孝友聞眼中清白賢愚分思兄
不憚萬里遠世間骨肉徒紛紛陳爾殺酌爾禮
取樂何妨艤船待到時二子卽相問予卧祗今
茆屋底羸軀不解事耕鋤弱子燈窗笑攻苦時
時力疾上高丘北望長淮淚如雨

與趙思晏賦來青樓雖作而不與

存耕道人過我遊不減雪中乘興舟浮雲世事
口不掛語語索賦來青樓樓中之人奇且偉肯
使餘生在泥滓春風石上鼓瑤琴夜雨燈前列
圖史有時凭高一撚髭汀煙沙鳥皆吾詩釣簾
曉掛搏桑影釣絲晴罨珊瑚枝方壺蓬島誰解

歷代詩選 陽黃文所
識霧散雲開翠如織山勢疑將度海來嵐光屢
見排簷入問誰于此賦詩頻哦松大筆尤清新
石門老翁扳桂手湖山處士吟梅人嗟予卧疴
筆研廢欲作歌詩動經歲神遊意想一語無幾
回虛作憑欄勢吾聞仙人好樓居時能御風遊
六虛爾今凡骨倘未換大藥好乞刀圭餘不然
買魚仍釀朮樓頭日與賓朋集坐令青眼客長
來不獨來青見山色

陳楚賓邀登南閣出未諸公所賦詩索予

繼和

憶別高堂凡五載今日重遊髮毛改長老驚爲
倒履迎林園却似留春待松間舊榻下陳蕃席
上清樽傾北海是日雲銷天宇清大開南閣興
縱橫鈎簾晚峰萬樹出俯檻晴塢千花明少長
須臾亦星聚歌吟間作如韶鳴乃知此地卽仙
隱萬里何必求蓬瀛

舍姪元明書來致當道薦拔意詩以答之
郡國衣冠此日新老懷深念竹林人客邊風雨

十年夢醉後乾坤萬里春雲路尚淹麟閣遠秋
天空薦鶚書頻不癡濟叔勞推賞奈戀煙波理
釣緡

遷逐甫還次韻答舍弟文信

萬里輿圖新入貢一時遺老復遷官
祗緣舊國輕周鼎徒使仙人泣漢盤
斤斧未容遺樸檉階庭誰見長芝蘭
野夫獨幸歸耕早只恐鄉關路轉難

又

舊事紛紜成昔夢餘生竄逐誤微官
一年道路危三峽幾度歌吟歷五盤
甄別有恩垂藻鑑芬芳無德播椒蘭
逢人但說生還喜莫問從前事
急難

臨安道中別弟文美

拂袖歸來我最先相期耕釣在餘年
無端遇着東風惡吹上長淮逐客船
三淮浪急大江迴幾處驚如灩澦堆
我正思家行欲到汝今那更別家來

酒盡沙頭淚滿裾
臨當別去更躊躇
都忘我爲儒冠誤
更囑還家課子書

高陽窺園有感

橘柚連雲手自栽
別來誰復爲封培
棘籬缺處秋偏早
時有隣童摘實來

幾畦蔬甲一長饒
記得年前草自芟
今見蒲林荆棘長
令人千里望歸帆

夜宿水館

驚雁相呼秋滿江
小軒臨水似蜂窠
夜闌不寐

思兄弟風葉蕭蕭正打窗

立秋夜涇川館中雜興兼懷舍弟

薄暮西風生樹頭
坐看涼氣近人浮
一年今日纔過半
梧葉蕭蕭已厭秋

嘗稻有懷舍弟

曉起西風忽到門
剩炊香雪滿菑盆
懷人獨向嘗新處
含哺移時不忍吞

幾欲因書寄土宜
溪雲山靄不堪持
力田未足輸官府
念爾徒搔兩鬢絲

秋夜述懷

霜氣橫秋萬木彫
月櫺風牖夜蕭蕭
在家無限悲秋思
况爾別家千里遙

其二

欲憑詩句寄西風
吟到宵深語未工
月色如銀庭樹冷
一絲和露墜青虫

寄衣無便

秋風昨夜振庭柯
欲寄衣裳無便過
料汝羈愁如落葉
蕭騷偏逐晚風多

一秋無舍弟手書

老懷多籍得書寬
幾度挑燈入夜看
想爲賒昏憐病目
一秋無字報平安

題錢舜舉所畫梅花卷

戴養吾

千古懷人費夢思
殷勤卷贈歲寒枝
錢塘江上花如雪
不耐東風畫角吹

石倉十二代詩選

明詩卷之二十九

歷代詩選

明真文亦卷之六

九

白余十二外精選

明倫卷之二十一



書

